

## Bú-gí ê Tiōng-iàu-sèng

Pi-thâu Kok-siô  
Gô Siok-gî

Gí-giân m̄-nā sī chit chióng kang-kū, jî-chhiá<sup>n</sup> sī tāi-piáu tiòh chit-ê bîn-chòk ê bûn-hòa. Siōng-chá kì-liók bûn-hòa ê thôan-sêng sī lī-iōng kháu-gí siong-thôan kap keng-giām ê thôan-siū, pēng m̄-sī bûn-jī. Tâi-ôan tī lék-sú siōng keng-lék liáu pát-ê bîn-chòk ê thóng-tī. In-üi thóng-tī siōng ê piān-lī kap chò-hoat, só-í lán ê bú-gí siū-tiòh chin tōa ê pek-hāi. Tâi-ôan bòk-chiân chûn-châi chiok chē ê bú-gí hē-thóng, lóng tī í-chá iau-kiû thóng-it gí-giân ê kàu-iòk tionsg siū-tiòh chin tōa ê siong-hāi. Tī thui-hêng kok-gí ūn-tōng ê sî-tāi khí, ū chiok-chē lâng tī óh kok-gí kap sú-ēng kok-gí ê kòe-têng tionsg, chiām-chiām sit-khì liáu tui pún-sin bûn-hòa ê liáu-kái. Kóng bú-gí sòa piàn-sêng sī chit-chióng kàu-iòk thêng-tō kē, bûn-hòa thêng-tō kē ê tāi-piáu. Tông-kî tī chit-khoán ê chêng-hêng hā, lán ê ē-chit-tāi chiām-chiām sit-khì liáu kóng bú-gí ê lêng-lék. Kiat-kó sī lán pit-su hù-chhut khah-chē ê sêng-pún lâi hō lán ê ē-chit-tāi khì tiōng-sin jīn-sek ka-kī ê bú-gí, liáu-kái ka-kī ê bûn-hòa chi-bí.

Kin-kù gián-kiù, bòk-chiân chôan tē-kiû tāi-iok ū lák-chheng chióng gí-giân, m̄-kú tī bī-lâi ê kúi-cháp-nî lâi, ē-ū chiong-kīn chit-pòa<sup>n</sup> ê gí-giân ê siau-sit. Che m̄-nā sī tāi-piáu chit-chióng gí-giân ê siau-sit nā-tiā<sup>n</sup>, jî-chhiá<sup>n</sup> sī chit-ê bûn-hòa ê khoat-kháu. Beh pī-bián chit-chióng chêng-hêng hoat-seng, siōng ū-hâu ê hong-hoat chiū-sī sú-ēng bú-gí. In-üi chit-chióng gí-giân sú-iōng ê jīn-kháu kàng-kē ê sî-chûn, chiū ê ka-sok chit-chióng gí-giân ê siau-sit.

Chit kúi tang lâi, pún-thór ì-sek chiām-chiām kak-chhí<sup>n</sup>, tāi-ke iā khai-sí thê-chhiòng bú-gí. Án-ne chiah hō lán ke-kiám ê-sái tit thé-giām tiòh bú-gí súi ê só-châi, liáu-kái tiòh gôan-lâi bú-gí iā-sī chiah-nih-á ê iu-siù, bú-gí mā-ū lán pún-sin bûn-hòa ê ték-sek. Che sī sú-ēng kî-tha gí-giân bô hoat-tō piáu-hiān ê.

Chit-má Tâi-ôan í-keng sī to-gôan hoat-tián ê siā-hōe, èng-kai ê-sái pau-iōng khah chē ê gí-giân. Tī chē-chē koan-sim bú-gí ê jīn-sū kah thôan-thé jīn-chin thui-kóng chi-hā, bī-lâi Tâi-ôan bú-gí chhât-tui ê ū chin-tōa ê hoat-tián khong-kan.